

ORATIONES
QUARUM ALTERA
FLORENTIAE

ANNO MDCCV.

ALTERA VERO
GENUAE

ANNO MDCCVII.

HABITA EST.



AMSTELODAMI,
MDCCX.





ORATIO

HABITA CORAM

MAGNO ETRURIÆ DUCE,

primo Florentiam adventu, 1705.



X Anglia, Serenissime Princeps, discedens, in mandatis habui, à Domina mea, Serenissima & Potentissima Magnæ Britannicæ Regina, ut quamprimum Etruriam versùs inchoato itinere; quod tum hiberno tempore, tum viis, à militaribus copiis, obsessis impeditum, multò tar-

A 2

diùs,

diùs, quàm in votis erat, fuerit confectum; Cel-
 situdinem Vestram adirem, & Ejus nomine, pluri-
 mâ salute impertirem, omnia offerrem præstarem-
 que Officia, quæ ad Benevolentiam tantos inter
 Principes alendam augendamque, ad Commodum
 Utriusque Gentis, ad Publicum Bonum, spectare
 viderentur. Tandem verò longi equidem & diffi-
 cilis itineris, transmissio Oceano, & tot Terris à
 tergo relictis, digna merces contigit, multum ex-
 spectatus, lætulque Dies, quo fas est, congregi,
 adspicere, alloqui Principem, cujus Prudentiam, pe-
 culiare propriumque, per tot Sæcula Medicæ Gen-
 tis Decus, Etruria sua sentit, tota agnoscit, tota
 miratur Europa: ~~cujus Amicitiam expetit~~, poten-
 tissima Terra Marique Regina, quæ nunc summâ,
 Domi, quiete; victricia ubique circumfert Arma,
 non quæstus, non potentiæ, non ostentationis
 gratiâ, non ad excutiendum innoxiiis Vicinis otium,
 non ad turbandos veteres Fines, non ut suis Regnis,
 Regna addantur aliena; sed ut Christiano Orbi,
 multa perpeffo mala, extrema metuenti, pax tan-
 dem solida, & mansura, & æqua Jura reddantur:
 adeò

adeò ut minimè verendum sit, tales inter Principes; eo ingenio, iis viribus, eo rerum usu præditos, quin omnia bonâ fide coalitura, solumque certamen in posterum futurum sit uter alterum omni Officiorum genere superet. Ad hoc etiam accedit, Serenissime Princeps, ex quo Angliam Nobilissimus Hospes adiisti, Benevolentia summa, vultu, sermone, & quibus non Animi indiciiis expressa & testata, quâ semper excipis, Nostrates, Tuos, pænè dixerim, Anglos, (ita de nobis meritis es) Natalibus & Indole inclytos, & aliquando Gentis suæ & decori & præsidio futuros; quos sibi Italia attrahit, seu Civilis sapientiæ causâ, cujus sine Æmulo illa verè habetur Magistra; sive studio videndi perlustrandique Regionem, quæ Rerum olim, suo merito, potiebatur; quæ non tantùm Armis, sed & Ingenio, & Artibus prævaluit, & adhuc prævalet; quarum nusquam, aut plura, aut majora exstant Monumenta, quàm Florentiæ, quàm in Principis Domo; quas ille Artes, ut privatus intelligit, ut summa potestate dignum est, sinu suo complectitur fovetque: adeo ut in Patriam reversi,

nihil magis prædicent , nihil magis prædicandum habeant , quam COSMI TERTII Sapientiam, Comitatem, Magnificentiam.

Intercessit jam quoque per aliquot Sæcula , & in æternum precor obtineat ! Anglos inter & Etruscos necessitudo quædam , & summa Amicitia, innixa Fœderibus , commerciis coalita , mutuis conciliata affectibus ; adeo ut Vestrum Liburnum, suis, exterisque, at Anglis Mercatoribus maximè frequens, mercibus, opibus, copiisque omnium rerum abundans, florentissimum hodie totius Italiæ Emporium audiat. Hanc qui turbatam, qui non omni modò servatam esse cupiat, haud ille de Civibus suis, aut de Optimo & Sapientissimo Principe benè meruerit, tam suorum provido, tam amico Nostrum. Sed nihil hujusmodi timere, nihil quidem suspicari permittit tanta inter Principes Animorum Conjunctio, tantum inter Utrique Subditos, quasi mutui Amoris, & omnium Officiorum certamen.

Certè nihil aliud in Votis habet, nihil suprà velit Domina mea, quam COSMUM TERTIUM, & Sui semper, & Magnorum Avorum similem,
&

& si fieri possit, Majorem, Illustrioremque, Valentem, Vegetumque, rebus probè fluentibus, superstitibus Liberis, fundatâ Domo, Famâ, meritisque ingentem, longum Etruriam regere; hunc Populum, hanc Urbem, semper curam Medicæ Gentis futuram: florere, & indies augeri Commercium; & si qua in parte, more rerum Humanarum, aut Sæculorum tractu, aut Hominum negligentia, non sua, nedum publica, semper ritè curantium; aut injuriâ Potentiorum, aut ipsorum denique Principum Ediçtis, varia pro tempore statuentium, prout publica fortè Utilitas suadere videbatur; sed quibus, ut magnis ubivis, & quolibet ævo, constat Exemplis, non publica semper respondeat Utilitas; immutata in deterius cesserint, ea in integrum reponi; si qua adhuc reperiri possint, quæ in Commune Utilia sint, ea veteribus adjici, pactisque denuò firmari servarique. Et sane Commerciis non minimè continentur, & Felicitas subditorum, & Magnitudo Principum: quorum etiam amplitudini & securitati, & ut unâ Christiani Orbis, & Totius Humani Generis bo-

no meliùs consulatur, justis conditionibus pacem tandem aliquando turbata, afflicta, laboranti Europæ, Summi Numinis beneficio dari concedique : ut Italia etiam Vestra, Communis olim Patria, quod maximè cordi est Optimæ Reginæ, Etruscæ Gentis Fautrici, Medicei Nominis Cultrici, non tantùm à Bello, sed etiam à Belli metu secura sit.



O R A-



ORATIO

A D

SENATUM GENUENSEM

Habita 17. Mart. 1707.

PER tot sæcula in hunc usque diem,
cultam mutuis Officiis & Fide, Re-
gnum inter Angliæ, florentissimamque
Vestram Rempublicam, Serenissime
Dux, Patresque Genuenses, stabilem-
que adeò, imperturbatam, & diuturnam Amicitiam,
ANNA Magnæ Britannæ Regina, Mari Terræque
omnium potentissima, & servare liberis, neque
B tan-

tantum ad posteros transmittere , sed & ad summum quoque culmen , pro bono Utriusque Gentis Publico , proque Orbis Christiani commodo , producere atque promovere parata est. Et quidni Illa , Gensque Anglorum , quæ læta Imperio subest , jussisque paret , Armis Victoriisque per Orbem Terrarum hoc sæculo , & quo non sæculo? potens & inclyta , ac superioribus equidem , Bello Sacro , per Orientem , devictâ Cypro , & servatâ Syriâ insignis , ac ni Gallorum , semper Anglorum gloriæ , commodisque , & communibus Christianorum utilitatibus adversantium , nobis & artes , & fraudes , & demum arma obstitissent , Hierosolymarum etiam , sub Ricar^{do} & Heroe suo , Victrix , ac Sacri Sepulcri Vindex futura : & nunc Oceani Mariumque Domina , orbemque totum Classibus Commerciisque complexa , non optimè velint , non optima precentur Ligurum Genti fortissimæ felicissimæque & in Italia contra vicinos æmulosque toties Victrici , & tantum non Dominæ Veneriarum , celeberrimæ maximæque Reipublicæ , ac superi Maris Insularumque Reginæ , se ei sub conditionibus submittentis ; & insuper Pisanorum tan-

tandem ultrò se vobis dederunt, sed seu pro Majestate, seu pro Modestia; quarum altera Virium, altera Ingenii sibi imperantis, modumque, quod raro fit, suæ Felicitati statuentis, non leve indicium; Imperium & preces, vix Posteris ac Minoribus creditum, non admissa, aut accepta? Foris Arma & Trophæa, per Hispanias, per Mauritaniam, per Asiam, perque omnes quasi Terrarum partes Veteribus Majoribusque cognitæ, contra Fidei Mundique Communes Hostes, diros impiosque Saracenos, circumlata: totumque Internum Mare, ejusque sinus, ipsæque Bosporus, & extremus Euxinus, Clasis & Triumphis plena: atque Monumenta rerum gestarum amplissima ac perpetua, Minorica, Sardinia, Chius, Cyprus, Corsica adhuc Vestra, in Sicilia Syracusæ, in Eubœa Chalcis, in Creta Cydon, Urbes Gentium Dominæ: Almeria ac Dertusa in Hispaniis, Tripolis, minorque Syrtis in Africa, Pera ad Bosporum, Amisra in Taurica, Civitates ad Mæotidem paludem, & ad Tanain in confinia Europæ Asiæque; inque Asia ipsa, ut de Tripoli, Byblos, Joppa omnium antiquissima taceam, Ptolemais,

& Cæsaria, Syriæ & Palæstinæ Capita; Sidon, Ty-
 rusque, navigationibus, divitiis, fama conspicuæ,
 Marique nullo non ævo dominantes, Vestræ omnes!
 Et ubi non auditum celebratumque Ligurum nomen,
 & cognita potentia? Ipsaque Hierosolyma, Heroicis
 istis Temporibus, plurima per sæcula, Sacrorum ac
 Religionis unica sedes, Vestris Auxiliis, Manibus
 Vestris, Christo suo, ac Communi Domino, asserta
 redditaque: & in ipso Sepulcro, ipsam supra A-
 ram, visa Genuensium Insignia; & in sacratissimo
 Orbis loco, in memoriam Virium simul & Pietatis,
 à Balduino Rege & Victore, agnitum, cunctisque
 Populis Sacrum aduentibus, in exemplar proposi-
 tum, præpotens Genuensium Præsidium! Tanta-
 rumque rerum præmia, præter laudes æternas, ob
 defensum propagatumque apud profanas rebellesque
 Gentes, Christianum Nomen; Commercia ubique
 culta, & quasi Mercium Domicilia, Theodosiæ,
 Peræ, Ptolemaide, omnibus tunc copiis abundanti-
 bus florentibusque, constituta; & Genua tantum non
 Mundi Emporium. At quasi hæc omnia parum fuif-
 sent, altera quoque India, sed longè opulentia ac
 am-

amplitudine præstans , Novus planè Orbis , tunc primum à Cive suo Columbo detectus , & in nostros usus apertus , Vestras quasi nunc inter Provincias censerì , & Genuensibus quodammodo vèstigal esse : Ibi quidem Aurum eruitur , inde in Europam defertur ; huc verò tandem navigat adpellitque ; hæc Sedes Ultima , Divi Georgii sunt Occidentis Thesauri . Quid majus ergo Vobis , Patres Conscripti , quàm veteri Fama frui , & recentibus præsentibusque Divitiis , Libertate simul ac Quiete , & in posterum Securitate ? Hanc nunc Populis præstat Anglia , neque permittit illis amplius timere à Gente superba , inquieta , & viribus nuperævoto , quasi totius nostræ Europæ Imperium complexa . Angli & Genuenses easdem Cruces extollimus erigimusque , sanguineas victricesque : eundem colimus Patronum , Divum Georgium , ubique Victorem & Triumphantem : Nos Utrique , primi omnium Populorum Christianam Fidem , ac sacra vera & salutaria , publicè recepimus & professi sumus . Oh quanta mutui Amoris utrinque Argumenta & vincula ! Neque Vobis noti sumus ac horrendi incen-

diis & ruinis, ac toties fractâ, & violatâ fide: Vestris credite Annalibus, & sæpiùs etiam, frustra licet ac infelicitèr, contrâ libertatem conjurationibus atque armis motis. Non Sociis Socii, Dominorum instar, imperamus; non Principem, non Senatum, ut Famulos nostros tractamus; aut pro nihilo, Jura Imperii, & Majestatem Reipublicæ habemus. Veneramur reveremurque Aurias Spinolasque, veros Patriæ Patres & Liberatores, & Libertatis, utili Exemplo, cùm Bello, tum pace, Vindices ac Conservatores. Valent Commercium, semper in præteritum, Vobis apud Nos illa, semper & in futurum, tuta & secunda. Æqui enim omnibus, nullisque præterquam Hostibus, eisque solùm publicæ Pacis ac Quietis turbatoribus tremendi. Exercitus Classesque, foràs tantùm emitimus, prout Gentium Usus, & Commune Bonum postulant; publico Mundi Vestroque, minimè Nostro insistentes. Hæc sola Virtus ferè ipsis incognita Romanis! Id erigendo afflictos populos, Jura Regum, majori antea vi ac potestate oppressorum

rum afferendo ; Bataviâ iterum . Germaniâque ,
 quæ Veteres Imperii Vices ac Majestatem ægrè su-
 stinet ac tuetur , nuper servatis ; redditâ modò
 Veteri Domino Insubiâ , atque à Gallis erepto ,
 suoque Principi vindicato Taurino ; Amedeus ete-
 nim Eugeniusque , fortissimi Heroes , ultrò agnos-
 cent quantum in ea parte Angliæ debeatur ; Hispa-
 niâque ipsâ , novi alteriusque Mundi accessione ,
 tumente , oh quanta Rerum perpetua Vicissitudo !
 jamdudum domi Gallicum perpessâ Jugum , sociis-
 que Anglis Batavisque , quorum Ope demum ex-
 cutit , consciis ac testibus ; atque cunctorum etiam
 Nationum , consensu ac admiratione , plausuque
 constat . Neque in alium finem impræsentiarum ,
 ab Anglis Terra Marique ubique vincitur , ac
 Oceanus ipse , qua latè patet , & per Orbem diffun-
 ditur Universum , & Mediterraneum Mare , no-
 stris Classibus navigantur implenturque , quàm ut
 Æqua Jura , miseræ tam diu , tantisque malis af-
 flictæ Europæ , restituantur ; & Libertas ac Maje-
 stas sua , firmâ stabilique Pace , Bello tam pio ju-
 sto.

floque, & necessario quoque quaſita, Gentibus ac etiam Vobis illibata ſerventur. Non enim Nobis pugnamus, non Nobis vincimus; Armis his Victoriisſque, non Angli Anglorum, ſed Humani Generis, agimus negotium.



A N A-

ANAPÆSTI,

cùm ab Illustrissimo

D. COMITE MAGALOTTI
SENATORIS FILICAIÆ

Odis Donaretur.

Florentiæ VII Kal. Junii. An. 1706.

VATICINIUM.



AMSTELODAMI,
M DCC X.



ANAPÆSTI,

cùm ab Illustrissimo

D. COMITE MAGALOTTI

SENATORIS FILICAIÆ

Odis Donaretur.

Florentiæ VII Kal. Junii. An. 1706.

VATICINIUM.

I Sidis * pridem Juvenis Cultor,
(Vatibus Isidis nomen amicum!)
Quâque Britannæ Palladis Arx est,
Quæ Musarum Decus & Patria,

1. Redecina, suâ fulgens Luce,
Medio cursu Solis ad instar:

C 2

Stu-

* Oxonium, ad ripam Isidis Fluvii. 1. Oxonium.

Studiisque modum, famamque dabit;
 Superis placuit, quòd regat Artes!
 Memini lætus, tempore læto,
 Librisque vacans, & mihi solùm,
 Aut venientis laudibus Ævi;
 Non sollicitus, metuens ipse,
 Craftina Mundo, ferretne dies
 Pacem, an Turbas, irrequieto:
 Expers curæ, dominusque mei;
 Seu meditetur Gallia Regnum,
 Sive Batâvi Libera Jura,
 Tumidus quid Iber viribus absque,
 Aut Germanus se minor usque,
 Anglia vel quæ sufficit Orbi,
 Tibris trepidet, cujusve Padus,
 Ignavi vel Dominus Bætis!
 Fatum sed non condimus ipsi.
 Superùm Reçtôr ridet ab alto,
 Quæ sentimus somnia vitæ:
 Alium à nostro vectus in Orbem,
 Patriaque procul, laribusque meis,
 Et colloquiis semper gratis,
 S O M M E R I, animâ cuncta moventis;
 Mihi tum luces nunquam longæ!
 Sed jamdudum munere pressus,
 Tempora nusquam vindico propria,

Nul-

Nullusque dies meus est ultrâ!
 Gentis cui res delata foris,
 Se despecto, consulat aliis;
 Non ille suas agit, at partes,
 Populi, aut Domini, sibi commissas:
 Nulli fidens, timeat multa,
 Cuncta cavebit.
 Nunc movet animum quælibet aura,
 Ventique leves, quique adversi,
 Gaudia multum nostra morantur:
 Anxius atqui, pendens mentis,
 Taurino iterumque inhiat Gallus,
 Iterumque novis excidet ausis?
 Ad nihilum iterum recidantque minæ!
 Neu cede malis, Victor Amedee,
 Altior illis, parque secundis,
 Aspera rumpas, te Regna manent!
 Sive Batâvos agitent rixæ,
 Et committat mortuus ipsos
 Princeps, sed, dum vita sinebat,
 Spes afflictis unica rebus,
 Belgæque salus deficienti;
 Simul Anglorum stator & Orbis:
 Hostibus at post Fata superstes,
 Venerande tuis, Rex GULIELME!
 Intraque annum Barcino, duplex

- Passa obsidium ; non sine probro ,
 2. Detracta priùs , liberaque manu ,
 Malè captantis rerum Imperium !
 Phœbusque suus deficit ipsi !
 Rhénus peccet quantumque mora ;
 Eugenio sic Athesis limes !
 Insubria gemens , visa rebellis ,
 Mediolanum & præda Philippi !
 Auxilia inter sed tua , Princeps ,
 Militat æther , Superûmque Acies .
 3. Modò concordés Pater & natus ,
 Interque Vagos Ignes primi ,
 4. Angli Hospitio suprà excepti ,
 Quo Sol noster , renovat Mundum ;
 (Nunc Saturni stella benigna !)
 5. Quam Lodoico dira minantur ?
 Ultrà , Hesperix nec premet arva .
 Mincius at erunt Adduaque tui ,
 Omnis & ingens à fonte Padus :

Exul-

2. 12. Maii. Defectus solis, & Barcinonis obsidio soluta.
 3. Coniunctio Saturni & Jovis. 2. G. Arietis 24. Maii. 1706.
 4. Ariet secundum Arabes Anglia Ascendens.
 5. Nostradamus. Cent. 1. n. 50.

Aries Jovem, Cronumque monstrabit simul;
 Mutationes inde quot spectro, Deus?
 Post secula multa, tempus heu! malum redit.
 Quas, Celta, turbas, quasque, Itale, tunc senties?

Exultantes quam bene fuso
 Sanguine ripas ire minores!
 Ipsum & Xanthum ac Simoenta brevi,
 (Ubi pars Belli, prælia inibant
 Dii, & Deorum Genus, Heroes:)
 Dura vincent Sturaque, rivi
 Priùs incelebres, mox Francorum
 Nobilitandi cladibus Amnes!
 Terrâ at ut Undis imperat Anna;
 Hincque incipient secula Magna,
 Credita Genti, summaque Rerum.
 Sic cecinerunt Druides olim,

6. Sicque Salonæ, Cœli interpretres;
 Conscia nostri, & Sidera Fati,
 Belli nunc ac arbitra Pacis;
 Galliaque horrens dabit augurium.
 Seu nova metuens Italus bella,
 Partibus aderit Venetus nostris,
 Instarque Phrygum sapiens serò:
 Rexque Eridanus socias undas
 Volvat in Æquor.
 Iber & tandem jus respiciens,
 Carolumque suum primos illi,

(Ve-

6. *Nostradamus, Cent. II. N. 100.*

In Anglia sedes erit Magni Imperi,
 Rerumque Domina secula perstabit tria!

(Veterum Orâclis credere si fas!)

7. Titulo Magnus, ceder honores.
 At quid nobis, quid sibi curæ,
 Dudum incerti Sarmata Juris,
 Fræna pati Gens nescia semper?
 Orbe atque vagus, vel Scythia Cæsar?
 Aut Europæ, Patriæque simul,
 Gotthorum non fausta Tropæa!
 Ast Arma, Ferox Hungare, ponas,
 Ita Libertas emitur carò;
 Consuleque tibi, Consule Mundo!
 Sacraque Phœbi, Themidisque ferens,
 Filia Recti, Diva Poëtis,
 Tene unquam, Pax alma, revisam?
 Sed cùm fractus dissilit Orbis,
 Mihi, quàm, oh! felix, quamque quieta,
 Nec opinanti statio obvenit?
 Tantùm has terras fugiunt bella;
 Non secli, pax Principis illa!
 Sperno tumultus, sospite C O S M O ;
 Dumque Arni hospes, nobilis Arni,
 Pulchram medius, qui secat Urbem;
 Conjuge Musa, quâ Filicaia,
 Prior is nostris, parque vetustis,
 Latiis, fortis; dulcis, Etruscis,

Nu-

7. *Carolus a Carolo eris Carolo Magno Major:*

Numeris; cunctis Norma canendi:
 COSMUM Cives, seque, regentem;
 COSMUM sanctos, sancta docentem;
 Et Tutamen, Decus & Musis,
 Unà secum tollit in Astra!

8. Seu cantet iter sacrum Ducis, ac
 Ilvam lætè vota morantem!
 Sistat Romæ sive verendum!
 Ipsam & Romam, credite vati,
 Aliud præter se mirantem!
 Seria mittat, doceat lusus,
 9. Venatus, quos Tuscia novit;
 Populo gratos, Principe dignos,
 Civibus ipsos, nec sine fructu!
 Quid non præstat vis FILICAE?
 Miscet versus ille severis,
 Semper nectens Utile Dulci;
 Curia nunc & carmina fundit!
 Abeunt terræ, quò feror altus?
 Mihi me incautum surripit iste,
 Dum malè renuens, prodeo vates,
 Ac alienis induor armis!
 Ad damnatas artes revocor,
 Mihi & oblitæ pænè per ævum:

D

Puer

8. *Ad Cosmum III. M. Etruria Ducem Romam versùs navigantem Ode.*

9. *De venatu Passerum Ode.*



Puer abjeci, repeto senior!
 Sic MAGALOTTUS tractat amicum?
 Insedit quem totus Apollo,
 Studiisque valens, consiliisque,
 Et Tyrrheni Gloria Regni.
 Animi quò Mens! Oh, miserere,
 Ipse canentis, pereuntisque.



VATI-

Cùmque libris solùm, solùm mihi cùmque vacabam
 Sæcla animo volvens, & laudis captus amore;
 Solicitusque parùm vicibus mutabilis ævi,
 Craftina lux turbas, vel munera ferret olivæ:
 Ipse mei Dominus, non mentem cura momordit,
 Europæ an nostræ minitetur Gallia Regnum,
 An semper Batavis cordi sint Libera Jura;
 Viribus infirmo tantus cur fastus Ibero;
 Unde potens Numeris, Germania se minor usque,
 Anglia vel toti poterit succurrere Mundo:
 An Tiberis trepidet, Padus accedatne Garumnæ,
 Bætis & ignavus stupeat quod Gallicus erret!
 Non sua mortali concessum condere Fata,
 Nempe Deûm Rector, Cœli deridet ab Arce,
 Qualia Nos sentimus, inania somnia vitæ.
 Diversum à nostro multùm, delatus in Orbem,
 Et procul à Patria, carisque Penatibus absens,
 SOMMERI alloquiis divulsus dulcibus, æquè
 Mulcendis animis nati, natique regendis;
 Cui res in melius licuit retulisse Britannas!
 Tum placuere Dies, nunquam cessere molesti,
 Vellem & perpetuos! sed demum munere presso
 Tempora nec mea sunt ultrà, neque suppetit hora!
 Cui commissæ foris Gentis Res Publica, tantùm
 Ille aliis vivens, aliorum Commoda novit;
 Non agit indè suas, suus est non ampliùs ille,

Sed

Sed solum Populi partes, Dominive tuetur:
 Confidat nulli sapiens, metuatque futura,
 Incumbens operi magno quin cuncta cavebit:
 Ambiguam terret mentem nunc quælibet aura,
 Atque leves venti, arcensesque à littore puppes;
 Gaudia quàmque diù, quàm sæpe & nostra morantur.
 Pectore sollicito pendens, & multa revolvens,
 Anne iterum Gallus Taurino fervidus instet;
 En iterum ad nihilum furia recidentque minaces!
 Tu verò ne cede malis, Oh Victor Amede,
 Maxima despectans, venturis parque secundis,
 Aspera perrumpas, olim te Regnâ manebunt!
 Seu Batavos agitent rixæ, perplexaque jussa,
 Ignarusque mali committat mortuus ipsos
 Dilectus meritò Princeps, dum vita sinebat;
 Afflictis dudum, Patriæ Spes unica, rebus;
 Sola salus Bello, sola & fiducia Pacis:
 Anglorumque simul nostri qui Stator & Orbis:
 Et vel adhuc nobisque suis, hostique superstes;
 Æternum, GULIELME, tuis, venerabile Nomen!
 Obsidium aut bis passa, intra annum, Barcino, probro
 Non sine capta priùs, neque nunc erepta furenti:
 Cunctaque Terrarum votis complexus iniquis,
 Credidit infelix, fraudi cum Bætica cessit,
 Unius Galli solem Ditione teneri,
 Atque sibi nasci famulum, famulumque reverti;

Maniolis, primo seu lumine, surgat Eois,
 Fluctibus aut Cœlo emenso, se condat Iberis.
 Sol tamen ille suus jam tandem deficit ipsi!
 Rhene, morâ quantum peccas, ut commoda turbas
 Publica! sic Athesis fiet nunc meta Sabauda
 Heroi; quantum gemit Infuber esse rebellis,
 Et Mediolanum servari præda Philippo?
 Eugenii verùm auxilia inter militat Æther,
 Inque aciem superi celeres socia agmina ducunt;
 * Infensos natum atque Patrem concordia jungit,
 Conveniunt hilares, & amico lumine splendent;
 Excepti suprâ Hospitio, quo Fata Britannis
 Currunt, & Phœbo Mundus renovatur ab Anglo:
 Hic primùm radios Saturni stella benignos
 Spargit, sed quam dira Tibi Lodoice minantur?
 Haud ultrâ Ausoniæ Gallus premet arva Tyrannus;
 Addua sub tua jura fluent, & Mincius ingens,
 Ingens atque à fonte suo Padus omnibus undis:
 Sanguine ut hostili exsultant decrescere ripas,
 Lætanturque novo mergi sic æquore campos?

Et

* *Conjunctio Saturni & Jovis. Mense Maio 1702, in Ariete, Angliæ juxta Arabes ascendente.*

Nostradamus. Cen. 1: n. 50.

Aries Jovem Cronumque monstrabit simul:
 Mutationes inde quot spectro, Deus!
 Post sæcla multa, tempus heu malum redit.
 Quas, Celta, turbas quasque, Itale, tunc senties?

Et jam tempus adest, cùm Xanthum, cùm Simoenta,
 (Qua scissi in partes miscebant prœlia Divi,
 Heroefque, Genus Divûm, pugnaque priores;)
 Incelebrata quidem, neque carmine cognita Famæ
 Nomina, Stura brevi vincent ac Duria rivi,
 Magni & devenient Francorum cœdibus Amnes!
 Non tantùm Oceano, Terris sed & imperat A N N A,
 Jam credo incipient hinc sæcula currere magna,
 Et sperata dies, quâ nobis creditus Orbis.
 Plena Deo Druidum quondam sic turba canebat,
 * Celtaque sic, Cœli interpres, cui nota remotæ
 Imperiique vices, & sidera conscia Fati!
 Humani hæc Generis, servati & præmia recti!
 Oh felix, Tuque Ense potens, Tuque Artibus unâ,
 Anglia magna parens, Armorum atque Arbitrâ Pacis!
 Datque fidem superis, se Gallia fassa minorem!
 Europæ sit parta quies, nil poscimus Ipsi!
 Cauta nimis Veneti seu Gens, otîque pudendi
 Damna querens, pulchra pro libertate movebit
 Agmina, & Eridanus socium decurret in æquor.
 Hispanus Carolum jam spectat, læsæque jura;
 Vatibus & unquam si præscia corda futuri,
 Eruet ille urbes Rhodani, gentemque superbam,
Atque

* *Nostradamus. Cent. II. n. 10.*

In Anglia sedes erit Magni Imperi,
 Rerumque Domina sæcla perflabit tria!

Atque pari titulo, magni quoque nomine ovantem,
 Viribus & Fama multùm superabit Iberus!
 At quasi nulla forent, sequitur sua Sarmata Bella;
 Æqui non patiens, aliis modò, mox sibi discors;
 Incertusque labans, & Regum præda duorum:
 Orbe peragrato, quà & Russus in arma vagatur,
 Vindictamque Gothus spirans, ducensque Triumphos,
 Quis Europa gemit, nolint ipsique Suèci
 Civiles; ast, Hunne ferox, compesce furores,
 Libertas tanti haud fuerit, Dominoque carere;
 Gallica, non tua res, agitur certamine tanto,
 Nudatoque, vides, insultat Sequana Rheno;
 Cur tibi communem differs, populisque salutem?
 Tene unquam cernam, Phœbi Themidisque Sacer-
 dos,

Oh varum Dea Pax usquam, rectique propago!
 Undique dum Turbæ, rerum dum solvitur ordo,
 Insperata Deus nobis hæc otia fecit:
 Rura beata nimis, quæ tantùm libera Marte;
 Illa quies sæcli non est, sed Principis una!
 Si valeat COSMUS, somnos non tympana rumpent
 Rauca meos, Arni pulchra dum & versor in Urbe,
 Quâ FILICAIA canit, Divûmque Hominumque
Callione genitum manibus quem fovit Apollo,
 Vocem & formavit Tyrreni Heliconis ad undas:
 Par ille antiquis, linquens longèque recentes;

Qui

Qui fortis Latii numeris, & dulcis Etruscis,
 Ac sine rivali cunctis sit norma canendi;
 Nunc COSMUM cives, quid majus? seque regentem,
 Ipsos quique potis sanctos vel sancta docere,
 Et cui Musa favet, Musisque favetur ab illo,
 Secum suprâ effert, cognatis reddit & Astris.
 Seu sacrum describit iter, ventosque morantes,
 Adventu Domini gaudens, non increpat Ilva.
 Ipsum seu Romæ sistit, Romæque verendum;
 Dumque hæret Populus defixus Principis ore,
 Nec vacat illi alijs veteres memorare Triumphos,
 Nec colit ille novos sacrato carmine Divos!

* Venatus reducemve tenent, quos Tuscia plaudens
 Exhibet, & populo gratos, & Principe dignos,
 Dum sumit pœnas, & messi submovet hostem,
 Oh quò non possit se summa extendere virtus!
 Fœdere in-assueto miscetur ut utile dulci,
 Grataque Musarum nectuntur gaudia curis,
 Attonitum fundit dum carmina triste Tribunal?
 Altus quò feror, & miranti terra recedit?
 Quàm mihi me incautum nunc surripit, atque renitor
 Frustra, quando omnes agitante calescimus illo?
 Et penitus desueta, extinctaque flamma resurgit;
 Damnatæque Artes, ævi sed & Orsa remenlus,
 Quas Puer abjeci, repetit maturior ætas!

E

Talia

* Ode de Venatu Passerum.

Talia non meritum MAGALOTTUS tractat amicum,
Unius insedit pectus cui totus Apollo,
Et sapere & fari magno concessit alumno,
Consiliisque simul Regum, studiisque præesse!
Quo vaga mens tendis, sedem averfata priorem?
Tuque tui miserere canentis, Tu pereuntis!



A D

MARLBURIUM DUCEM

copiarum Britannicarum sociarumque, sub auspiciis

ANNÆ REGINÆ,

in Belgio Imperatorem.

EPIGRAMMA.

PErfidus ad Scaldim totus dum vincitur Hostis,
 Computat atque ægrè Belga Tropæa Ducis,
 Tyrrenam properare velim tunc lætus in Aulam,
 Victricis Patriæ nuncius ipse meæ:
 Audit, miraturque ingentia facta Britannum;
 Talia, quæ vates non cecinere sui.
 Non opus Eloquio, dictorum aut Arte magistra;;
 Debeat his palmas Græcia vana suas.
 Nuper ita & tumidos implevit Gallia Fastos;
 At quorum Lodoix nunc meminisse dolet!
 Non Romana priùs sic crevit, & Anglica Virtus;
 Haud verba, Heroës, ipsa sed acta probant.

Inscriptio in Libros DIONTSII Halicarnassensis

^{A D}
ANTONIUM MARIAM SALVINI.

In Obsequiū . Et . Amicitia .

Testimonium .

Hæc . DIONTSII . HALICARNASSENSIS . Opera .

Oxonii . Edita .

Eloquentiæ . Fideique . Historiæ . Exemplum .

Antiquitatum . Romanarum . Monumenta .

Artis . insuper . Criticæ .

Tentamina . an . Judicia .

Secum . ferentia .

ANTONIO . MARIE . SALVINO .

Literatura . Græca . Romana . Etrusca .

Omnia .

Erudito . atque . Insigni .

Philologo . Oratori . Vati .

HENRICUS . DE NOVA VILLA .

Florentia . Salvino . Musis . Discessurus .

At .

Pulchræ . Florentiæ . Boni . Salvini .

Et .

Doctæ . Cum Doctis . per Sexennium . Consuetudinis :

In perpetuum . Memor .

Gratus . Mærensq̃ue .

Mittit .

MDCCX .

(38)
A D M A G N U M
D U C E M .

COSME, Pater Patriæ, Noſtris & amice Britannis,
Hæc, facilis, cultus accipe ſigna mei:
Ubertas Livii non lætea cernitur ulquam,
Arguti ſenſus, Medicis aut Taciti:
Nuda, ſine Arte, legis Gentis Monumenta Britanniæ,
Quaque Fides ſolùm ſimplicitasque, nitent:
Non alio cerni, Martis velit Inſula, vultu,
Haud Opus aut alter Scriptor & ipſe ſuum.

Quale facis Carmen ! Muſis & Apolline dignum:
Quale mihi Carmen, medio de fonte Leporum,
Tuſcorum in Patriâ, puroque ſub æthere natum !

Tho. Rymer

(39)
AD ILLUSTRISSIMUM DOMINUM
LEGATUM
NEWTON

ODE.

Qualis altricem Philomela dextram;
Prætulit nido bene quam paterno;
Luget amotam, tremit ægra pennis,
Ore tremente;

~~Talis, imbelli citharæ, sub ipso~~

Musa discessu trepidans Amici,
Dat modos incompósitos, sonoquē
Languet in omni,

Haud semel mœstas cecinit querelas,
Haud semel vanas; fugiens, Etrusco
Quas mari trades, mihi nec timebis,
Certus eundi.

Ah! meæ te partem animæ, Britannii
Dum foveat læti reducem, Latinis
Nec moror charus, neque jam supersum
Integer hospes.

Al-

(40)

Alma quæ nutrix fuerat juventæ,
Sit meæ custos utinam senectæ,
Præbeat sortem melioris ævi,
Præbeat urnam.

AD AUCTOREM

EPIGRAMMA.

Alter Nevvtonus docuit, quid Corpora possint;
Ast animi vires qui docet, alter adest.

Gul. Burnet.



(41)
PER LA PARTENZA DALLA CORTE DI TOSCANA

Dell' Illustrissimo Sig.

ARRIGO NEVVTON

Inviato Straordinario della Maestà della Regina
d' Inghilterra alla Suddetta Corte.

S O N E T T O :

Sovra il Tosco Parnaso io vidi un giorno
Turbarsi il Cielo, e non più Apollo in festa,
E gir le muse in schiera atra, e funesta
A far tra 'l duolo, e tra i sospir soggiorno.
L' orecchie io porsi sbigottito intorno.
Ove più folta era la gente, e mesta;
Quando il nome d' Arrigo in quella, e in questa
Parte sonò, ma non di gioja adorno:
E voce udj, che ancor si lagna, e grida:
Oime! che a noi l' estrema Anglia il dimanda,
Prima di suo valor nutrice, e fida.
Ed ecco innanzi sera, in ogni banda
Notte si feo, e al Ciel. n' andar le strida:
Ahi troppo acerba notte, e memoranda!

Di Salvino Salvini
Consolo dell' Accademia Fiorentina!

HENRICO NEVVTON**VINCENTIUS DE AMBRA.**

HÆCTibi non vanam præstantia verba salutem
 Fert è Fesuleis Litera missa jugis.
 Alloquium sterilis, Vir maxime, perlege Musæ,
 Quam tuus audacem nunc jubet esse favor.
 Scilicet in patrias quando rediturus es oras,
 Cogitur obsequio Te comitante sequi:
 Testarique Tibi, mea quantus lancinat angor
 Pectora, discessu saucia facta tuo.
 A Te, crede mihi, nullo spectanda decore,
 Hactenus erubuit nostra Camœna legi.
 Barbariem Latio trepidans miscere lepori,
 Fundere Romanas si voluisset opes;
 Censuræ subtile tux metuebat acumen,
 Quo castigatus iudice sermo fluit.
 Victus amore timor nunc est. Clementia (finge)
 Securam veniz non sinat esse tua.
 Docta tamen malit minùs, atque diserta videri,
 Quàm gratam officii non retulisse vicem.
 Certè insperato properat per devia gressu,
 Atque suis majus viribus urget opus.
 Nem-

Nempe reluctanti mirum est quòd carmina venà
Congerat hæc rudibus qualiacunque notis.

Nam licet haud nobis secessus & otia desint,

Sit Vatum quamvis ingeniosus Amor;

Sed mihi nullus agit præcordia languida fervor,

Sed venæ fluxus, sed vigor omnis abest.

Tempuserat, quando calidæ mihi flore juventæ

Mulcebat doctam Castalis unda sitim.

Tempus erat, Latios licuit cum tangere nervos,

Et castigatam sollicitare chelym.

Illa (fatebor enim) nusquam revocabilis ætas;

Visa est facundis me annumerare viris.

Quippe aderant faciles mihi tunc in Carmina Musæ,

Præsentem Phœbus sufficiebat opem.

Si grandi Heroas libuisset tollere versu,

Celsa aderat cœptis Calliopea mens.

Malueram Aeschyleo componere verba cothurno?

Illico Melpomene dante Tragœdus eram.

Malueram tenero modulari Phyllida plectro?

Obtulit argutas blanda Thalia fides.

Arrisit Latio quidquid perstringere versu,

Fertilis in carmen Musa operosa fuit.

Omnia sed fugiens, animum quoque surripit ætas,

Et sua destituit visque vigorque senes.

Ut torpent residues mihi nunc in Carmina vires!

Ut venæ fluxus, qui fuit ante, riget!

Hæc

Hei mihi ! Dedicici sua penè vocabula rerum ;
 Certeque verborum me propè sensa latent :
 Obluctans calamum tractat manus , atque latinè
 Scribere nunc aliquid res mihi visa nova est :
 Sic , qui plena piger stetit ad Præsepia , tardus
 Pulvere in Isthmiaco , nec benè currit equus :
 Sic , quod non tractas , estur rubigine ferrum .
 Sic sterilis torpet , ni renovatur , ager .
 Sic residis languet vis pigra , Henrice , Camœnæ ,
 Ac desueta semel segnis ad Arma venit .
 Indiget auxilio virtus virtutis , & usque
 Ars , ut stare queat , postulat artis opem :
 Illa vel illa diu jubeo ne cesset : agendo
 Utraque vim durer , perficiatque suam :
 Delentur , quæ non urges , exordia : rarè
 Quæ subeunt humeri pondera , ferre negant .
 Cura probat pulchros tantùm repetita labores :
 Ipse fides hujus maxima vocis ero .
 Scilicet incasum , vir docte , Poeta salutor ,
 Aonium rarè permeditatus opus .
 Quæ mens tractavit diuturno sedula nisu ,
 Ista vel invito noxque , diesque refert :
 Hunc , Henrice , tibi tentaram ludere versum :
 Pro versu nobis scripta Mathesis erat .
 Occurrunt nostræ dilecta vocabula lingux ,
 Puncta , Superficies , Circulus , atque Quadrans :
 Rhom-

Rhomboides, Coni, Quadrangula, sphæra, Cylindri,
Et quæ præterea verba Mathesis habet.

Hæc animum scalpunt nobis, penetrantque medullas
Tempora nam Studii longa tulere mei.

Nomina præterea Musis inimica ministrat
Exosa æonium Philosophia melos.

Hæc me cunctarum primordia condita rerum,
Et cœli mores, ingeniumque docet.

Mirari æterni juvat immortale Magistri,
Naturæq; ingens omniparentis opus.

Me rigidum, fateor, faciunt Studia ista, tuoque
Iltius esse reus criminis ore feror.

Semper uti fluere mihi Carminis impetus idem,
Nec querulus vena deficiente forem;

~~Debueram æonios inuisos scire penes~~
Et non adversas excoluisse Deas.

Quidquid id est, rigor ille placet, placiturus & error
Hic mihi, vel gravius si nocuisset, erat.

Ast odit tristem scribendi oblita laborem,
At læso repit clauda Camœna pede.

Culpa mea est, fateor: nostræ at succurrere culpæ
Ingenita senibus garrulitate juvat.

Quas defueta mihi non dat facundia vires,
Quos mihi non præstat languida Musa modos;

Hos, Henrice, mihi verbosa Senecta ministrat.
Hæc me facundum, qua licet arte, facit.

Hinc

Hinc pugnare loquax mecum si forte videbor,
 Hoc secum bellum garrula Musa gerit.
 Illo tu tantum mea carmina perlege vultu,
 Subdere Amicorum quo tibi corda soles.
 Inspice in his animi certum te pignus amantis,
 Cordis in his nostri candida signa lege.
 Mella Tibullæi ne quære leporis in illis,
 Nescius ætatis ne videre mex.
 Carmen erit, doctæ malè quod respondeat Arti,
 Quod tibi in aure sonet non bene, carmen erit.
 Luster at ut cultum nequicquam ducere versum,
 Difficileque via Musa senilis eat;
 Illa tamen, patrio quando te reddere cælo,
 Natalesque paras rursus adire plagas,
 Vult longam geminare tibi, Vir docte, salutem,
 Et dixisse suum, qua valet arte, Vale,
 Est filuisse nefas te discedente. Silebo
 Unus ego, quando cætera turba dolet?
 Non ego, crede mihi, modò justum Henrice, dolorem,
 Vel si forte velim, dissimulare queam.
 Dissimulem, mihi partem animæ de pectore tecum
 Si, in Patriam reditum dum meditare, rapis?
 At donec licuit præsentem cernere vultus,
 Et gravibus verbis, alloquioque frui;
 Jacturam nostri, furtum vel amabile cordis,
 Callidus arte sua dissimulavit Amor.

Outi-

O utinam, Vir docte, minùs mihi cognitus esses,

Nec tanto nobis junctus amore fores!

Hi me non feriant, te discedente, dolores.

Nam dolet, heu! tandem dissociandus amor.

Nulla ergo esse queat nobis diuturna voluptas,

Iraſci votis cogor & ipſe meis?

Crede mihi, notus dum ſis, adamere neceſſe eſt.

Atque tua cunctis nobilitate pates.

Nempe tibi Phœbus, ſua Phœbus carmina donat,

Quæ Venus ipſa legat, quæque Minerva probet.

Suſpicit hæc quiſquis, Parnaffi ad culmina anhelat,

Pieridumque ſacris gaudet adeſſe choris.

Inde ſuos inter te Flora cooptat Alumnos,

Etruſci reſidet quos penes oris honos.

~~Tu partem impoſiti tandem feliciter impleſ~~

Muneris, atque Aulam ſuſpiciendus adis.

Dirigit uſque tuos ſapiens Prudentia greſſus,

Conſilium uſque tibi reſque, locusque ferunt.

Inde tibi laudum ſeges inclyta naſcitur, inde

Eſt tua Principibus vita probata Viris.

Principibus placuiſſe Viris non ultima laus eſt;

Hac, Henrice, tuus laude ſuperbit honor;

Unus (ſinge) probet Thuſca te Coſmus in Aula,

Proh tua ſub quanto Iudice facta probas?

Te virtus, mihi credis, facit matura Catonem:

A te durities una Catonis abeſt.

Novi

Novi ego, qui longo factus tibi proximus usu,
 Ingenium didici quàm tibi mite foret.
 Nos Fora viderunt pariter, videre Lycea;
 Unica nos vexit sæpe quadriga duos.
 Visa mihi quoties tecum illa vel illa loquenti
 Ocyor assueto præterisse dies.
 Seria multa mihi suctus narrare, dedisti
 Jucundis mecum tempora multa jocis.
 Hausimus & pleno Cocolate tumentia sæpe
 Vasa, queant gelidi queis caluisse senes.
 Visere quin etiam non dedignatus agrestem,
 Fesuleo surgit quæ mihi rure, Domum,
 Insolita nostros implesti luce recessus,
 Qui Dominum norant condere pene suum.
 Proripis ista mihi sed tecum gaudia, quando,
 Henrice, in Patriam, non rediturus, abis.
 Regia Jussa aliis onerant tua pectora curis,
 Te Titulis augent Regia Jussa novis.
 Majores reduci tibi præparat Anglia Fasces.
 Sunt ea virtuti, debita dona tuæ.
 Jam tibi Londinum plaudet, Populique per urbem
 Monstratus digito prætereuntis eris.
 Mox ego sed viduam sine te, Vir docte, senectam,
 Et steriles ducam me minor ipse dies.
 Sculpta mihi gemina nitet ærea lamina parte.
 Ista tuæ nobis dona tulere manus.

Au-

(42)

Augusta inde graves imitatur imagine vultus,
Inde expressa tuæ Symbola mentis habet.
Hæc ego lustrabo quoties simulacra : valete,
Dilecti, dicam , candida Signa Viri.
Me tamen extra ipsum frustra Simulacra requiram,
Subiiciant vultus quæ mihi in ære tuos.
Ista mihi ante oculos semper versetur Imago,
Hæc memori semper pectore Signa geram .
Da mihi, siquid ea est, hebetantem pectora Lethen;
Attamen haud potero non meminisse tui.
Tu fidi officium non dedignere sodalis,
Sisque, Henrice, mei, quod facis, usque memor.
Sic tua successus habeat Fortuna perennes,
Currat inoffenso sic tua vita pede.
Sic tibi clausa suo quod portat Epistola verbo.
Dent, precor o ! Superi semper habere. Vale;

In discessum Illustrissimi

D. HENRICI NEVVTON

F L O R E N T I A

Epigramma.

Nevvton abit ? fallor . revocare Britannia certat !
At sint ex animo nullus abire suo.

Alexander Pol. à S. Sigism. Schol. Piar.

Correctio pag. 23. 6. Dura lege Duria .



34166

